

**Aningaasaatinut piumasaqaatinut akunnequtitut ilasinernik naatsorsuineq,  
aningaasat agguanneqartussat annertunerpaaffissaat aamma aningaasanik  
ingerlataqarfiit ilaannut aningaasaatit allannngortinnnginnissaannut pilersaarutip  
imarisassai pillugit nalunaarut**

Aningasanik ingerlataqarneq pillugu inatsimmi § 125 a, imm. 8, § 125 b, imm. 8, § 125 c, imm. 5 aamma § 373, imm. 4, tak. inatsimmik nalunaarut nr. 928, 4. august 2014-imeersoq, naapertorlugit, aalajangersarneqarpoq:

*Atuuffia nassuiaatillu*

**§ 1.** Nalunaarut una aningaaserivinnut, illuummik qularnaveeqqusiilluni taarsigassarsisitsisarfinnut aamma aningaasaateqarfinnut akunnermiliuttartunut I-inut atorneqarpoq.

**§ 2.** Nalunaarummi matumani paasineqarpoq:

- 1) Suliffeqarfik: § 1-imi allatorneqartut suliffeqarfiit.
- 2) Akiligassarsinermi peqataaneq pisussaaffiliisoq attuumassuteqartoq: Akiligassarsisitsisarfinnik aamma aningaasaliisarfinnik nakkutilliinikkut piumasaqaatit pillugit Europa-Parlamentip aamma Rådip peqqussutaa (EU) nr. 575/2013, 26. juni 2013-imeersumi immikkoortoq 112, litra a(-f)-imi taaneqartunit peqataanerni pisussaaffiliisunit allaanerusuni peqataanermi pisussaaffiliisuni allani akiligassarsilluni peqataanermi pisussaaffiliineq aamma peqataanermi pisussaaffiliineq ukununga ilaalluni:
  - a) Taarsigassarsiniartarfinnik aamma aningaasaliisarfinnik nakkutilliinikkut piumasaqaatit pillugit Europa-Parlamentip aamma Rådip peqqussutaa (EU) nr. 575/2013, 26. juni 2013-imeersumi immikkoortut pingajuanni, immikkoortoq II naapertorlugu akiligassarsinermi annaasinnaasat pillugit aningaasaatinut tunngavinnut piumasaqaatit.
  - b) Peqataanermi pisussaaffiliisoq taarsigassarsiniartarfinnik aamma aningaasaliisarfinnik nakkutilliinikkut piumasaqaatit pillugit Europa-Parlamentip aamma Rådip peqqussutaa (EU) nr. 575/2013, 26. juni 2013-imeersumi immikkoortut pingajuanni, immikkoortoq IV, kapitali 2 naapertorlugu niuernermi uninngasuutiniippat, immikkut annaaneqarsinnaasuni aningaasaatinut tunngavinnut piumasaqaatiniilluni, imaluunniit taarsigassarsiniartarfinnik aamma aningaasaliisarfinnik nakkutilliinikkut piumasaqaatit pillugit Europa-Parlamentip aamma Rådip peqqussutaa (EU) nr. 575/2013, 26. juni 2013-imeersumi immikkoortut pingajuanni, immikkoortoq IV, kapitali 5 naapertorlugu sumiginnagaanissaa nuunnissaatalu aarlerinarnera annertusisimappat.
  - c) Peqataanermi pisussaaffiliisoq taarsigassarsiniartarfinnik aamma aningaasaliisarfinnik nakkutilliinikkut piumasaqaatit pillugit Europa-Parlamentip aamma Rådip peqqussutaa (EU) nr. 575/2013, 26. juni 2013-meersumi immikkoortut pingajuanni, immikkoortoq II, kapitali 5 naapertorlugu isumannaallisagaappat, aningaasaatinut tunngavinni piumasaqaatini.
- 3) Suliffeqarfiup sinneqartoornarnera: Suliffeqarfiup akileraarutit akilernissaat sioqqullugu angusarigallagaa taanna pitsaappat imaluunniit noorluuppat.
- 4) Ukiup naanerani suliffeqarfiup sinneqartoornarnera: Suliffeqarfiup ukiumi angusaa akileraarutit akilernissaat sioqqullugu pitsaappat imaluunniit noorluuppat.

*Suliffeqarfiup uteqattaartitsinnngitsumik aningaasaatinik pakkersimaarinninnerata naatsorsornera*

§ 3. Suliffeqarfiup immikkut uteqattaartitsinngitsumik aningaasaatinik pakkersimaarinninnera, suliffeqarfiup immikkut uteqattaartitsinngitsumik aningaasaatinik pakkersimaarinninneranik naatsorsuinermi atorneqartoq nunani suliffeqarfiup akiligassarsinikkut peqataanermi pisussaaffigisaani atuuttut uteqattaartitsinngitsumik aningaasaatinik pakkersimaarinninnerit agguaqatigiissinnerisut naatsorsorneqassaaq. Nunani pineqartuni taarsigassarsinikkut peqataanermi pisussaaffiliinernut attuumassuteqartunut tunngasuni taarsigassarsinermi annaasinnaasat pillugit aningaasaatinut tunngavinnut piumasaqaatit tamarmiusut, taarsigassarsinikkut peqataanermi pisussaaffiliinernut attuumassuteqartunut tamarmiusunut tunngasut taarsigassarsinermi annaasinnaasanut aningaasaatini tunngavinnut piumasaqaatit tamarmiusunit agguarlugit atorneqassapput, tak. imm. 2 aamma 3.

*Imm. 2.* Taarsigassarsinermi annaasinnaasanut aningaasaatinut tunngavinnut piumasaqaatit tamarmiusut tak. imm. 1, taarsigassarsiniartarfinnik aamma aningaasaliisarfinnik nakkutilliinikkut piumasaqaatit pillugit Europa-Parlamentip aamma Rådip peqqussutaa (EU) nr. 575/2013, 26. juni 2013-imeersumi immikkoortut pingajuat, immikkoortoq II aamma IV naapertorlugit naatsorsorneqassapput.

*Imm. 3.* Taarsigassarsinikkut peqataanermi pisussaaffiliineq attuumassuteqartut nunami sumiinnera aningaaserivimmuut aalajangersimasumut uteqattaartitsinngitsumik aningaasaatinik pakkersimaarinninneranik naatsorsuineq siunertaralugu taarsigassarsinikkut peqataanermi pisussaaffiliinerit attuumassuteqartut nunami sumiinnerisa paasineqarnissaanut tunngasut malittarisassatigut teknikikkikkut malitassat eqqarsaatigalugit Europa-Parlamentip aamma Rådip peqqussutaanut 2013/36/EU-mut maleruagassatigut ilassutissat pillugit Kommissionip peqqussutaa (EU) nr. 1152/2014, 4. juni 2014-imeersoq malillugu aalajangiiffigineqassaaq.

#### *Agguaassinermi aningaasat annerpaaffissaat*

§ 4. Agguaassinermi aningaasat annerpaaffissaat imm. 3 malillugu aningaasap pissarsiarineqartup imm. 4 naapertorlugu aalajangersarneqartumik amerlisinneratigut naatsorsorneqassaaq.

*Imm. 2.* Imm. 1 naapertorlugu agguaassinermi aningaasat annerpaaffissaat naatsorsorneqartoq annikillisinneqassaaq, suliffeqarfiup iliuuseq una ataaseq arlallilluunniit iliuuserisimappagu:

- 1) Pingaarnertut aningaasaatinut tunngasut agguaassisimanerit, tak. aningasanik ingerlataqarneq pillugu inatsimmi § 125 b, imm. 5.
- 2) Akissarsianik allanngorartunik imaluunniit pensioninik missiliuinikkut aalajangersarneqartunik akiliinissamut pisussaaffinnik atulersitsineq imaluunniit akissarsianik allanngorartunik akiliineq, akiliinissamut pisussaaffik piffissami suliffeqarfiup aningaasaatinut piumasaqaatinut akunnequtitut ilasinerimik naammassinninnginnerani atulersinneqarsimappat.
- 3) Pingaarnertut aningaasaatinut sakkunut akuleriinnut tunngasunik akiliisoqarsimappat.

*Imm. 3.* Aningaasat, imm. 1 naapertorlugu amerlisinneqartussat, tassaassapput nr. 1-ip aamma 2-p katinneri nr. 3 ilanngaatigalugu.

- 1) Suliffeqarfiup sinneqartoorallarnera, taarsigassarsiniartarfinnik aamma aningaasaliisarfinnik nakkutilliinikkut piumasaqaatit pillugit Europa-Parlamentip aamma Rådip peqqussutaa (EU) nr. 575/2013, 26. juni 2013-imeersumi immikkoortoq 26, imm. 2 naapertorlugu aningaasaatinut pingaarnernut ilaanngitsut, aamma sinneqartoorutininik agguaassineq pillugu kingullermik aalajangiisoqarmalli pissarsiarineqarsimasut, imaluunniit imm. 2-mi pineqartunut iliuuserisanut sunulluunniit.
- 2) Suliffeqarfiup ukiup naanerani sinneqartoornera, taarsigassarsiniartarfinnik aamma aningaasaliisarfinnik nakkutilliinikkut piumasaqaatit pillugit Europa-Parlamentip aamma Rådip peqqussutaa (EU) nr. 575/2013, 26. juni 2013-imeersumi immikkoortoq 26, imm. 2 naapertorlugu aningaasaatinut pingaarnernut ilaanngitsut, aamma sinneqartoorutininik

agguaassineq pillugu kingullermik aalajangiisoqarmalli pissarsiarineqarsimasut, imaluunniit imm. 2-mi pineqartunut iliuuserisanut sunulluunniit.

- 3) Aningaasat suliffeqarfiup akileraarutitut akiligassarissai, immikkoortumi tassani nr. 1 aamma nr. 2-mi pineqartut taarsigassarsiniartarfinnik aamma aningaasaliisarfinnik nakkutilliinikkut piumasaqaatit pillugit Europa-Parlamentip aamma Rådip peqqussutaa (EU) nr. 575/2013, 26. juni 2013-imeersumi immikkoortoq 26, imm. 2 naapertorlugu suliffeqarfiup pingaarnertut aningaasaataanut nuunneqarpata.

*Imm. 4.* Pissutaasoq imm. 1 naapertorlugu amerlisinneqartussaq, suliffeqarfiup allangortinngisaanit pingaarnertut aningaasaatit annertussusaat aallaavigalugit aalajangersarneqartoq, aamma taarsigassarsiniartarfinnik aamma aningaasaliisarfinnik nakkutilliinikkut piumasaqaatit pillugit Europa-Parlamentip aamma Rådip peqqussutaa (EU) nr. 575/2013, 26. juni 2013-imeersumi immikkoortoq 92, imm. 1, litra c) naapertorlugu aningaasaatinut tunngavinnut piumasaqaatit naammassineqarnissaannut atorneqanngitsoq. Pissutaasoq tassaavoq:

- 1) 0, pingaarnertut aningaasaatit aningaasaatinut piumasaqaatinut akunnequtitut ilasinermi qaammatini pingasuni siullerniippat, tak. imm. 5,
- 2) 0,2, pingaarnertut aningaasaatit aningaasaatinut piumasaqaatinut akunnequtitut ilasinermi qaammatini pingasukkaani aappaanniippat, tak. imm. 5,
- 3) 0,4, pingaarnertut aningaasaatit aningaasaatinut piumasaqaatinut akunnequtitut ilasinermi qaammatini pingasukkaanni pingajuanniippat, tak. imm. 5, aamma
- 4) 0,6, pingaarnertut aningaasaatit aningaasaatinut piumasaqaatinut akunnequtitut ilasinermi qaammatini pingasukkaat sisamaanniippat, tak. imm. 5.

*Imm. 5.* Aningaasaatinut piumasaqaatinut akunnequtitut ilasinernut ammut qummullu killiliussaq ilanngussaq 1 naapertorlugu naatsorsorneqassaaq.

**§ 5.** Aningaasat agguaanneqartussat annertunerpaaffissaat pillugu suliffeqarfiup nalunaaruteqarnera ingerlaannartumik Finanstilsynimut nassiunneqassaaq, tak. aningasanik ingerlataqarneq pillugu inatsimmi § 125 b, imm. 2. Nalunaarulli aningaasaatinik allanguinnginnissamut pilersaarut peqatigalugu kingusinnerpaamik nassiunneqassaaq, tak. aningasanik ingerlataqarneq pillugu inatsimmi § 125 c, imm. 1.

#### *Aningaasaatinik allanguinnginnissamut pilersaarut*

**§ 6.** Aningaasaatinik allanguinnginnissamut pilersaarut suliarineqartussaq aamma Finanstilsynimut nassiunneqartussaq, annikinnerpaamik makkuninnga imaqassaaq

- 1) isertitat aningaasartuutillu pillugit takussutissiaq kiisalu oqimaaqatigiissitsinermineriartorerinik missingiut,
- 2) suliffeqarfiup pingaarnertut aningaasaativinnut procentiata, pingaarnertut aningaasaatit procentiata aamma aningaasaatinut ilassutit procentiata qaffannissaanut aaqqiinerit, tak. taarsigassarsiniartarfinnik aamma aningaasaliisarfinnik nakkutilliinikkut piumasaqaatit pillugit Europa-Parlamentip aamma Rådip peqqussutaa (EU) nr. 575/2013, 26. juni 2013-imeersumi immikkoortoq 92, imm. 1,
- 3) aningaasaatinut piumasaqaatinut akunnequtitut ilasinerup tamakkiisumik naammassineqarnissaanut siunertap tamakkiisumik naammassinissaanut aningaasaatinut tunngaviit qaffannissaannut pilersaarut aamma piffissaliussaq aamma
- 4) sinneqartoorutit aamma § 4, imm. 2-mi eqqartorneqartut iliuuserisat suulluunniit agguaanissaannut pilersaarut. Pilersaarut minnerpaamik ukioq naatsorsuusiorfiusoq naallugu ingerlassaaq.

*Imm. 2.* Aningaasaatit allanngortinnginnissaannut pilersaarummik nalilersuinissamut Finanstilsynip pisariaqartitaanik paasissutissanik allanik nassiussinissamut, erseqqinnerusumik piffissaliussatut aalajangersarneqartup iluani, Finanstilsynip suliffeqarfik piumaffigisinnaavaa.

*Imm. 3.* Aningaasaatit allanngortinnginnissaannut pilersaarut suliffeqarfiup siulersuisuinit akuerineqassaaq.

*Imm. 4.* Aningaasaatit allanngortinnginnissaannut pilersaarut nutarterneqartassaaq aamma aningaasaatinut tunngaviit qaffannissaat pillugu pilersaarummik piffissaliussamillu suliffeqarfiup naammassinninnissaanut annertuumik aarlerinartoqartoq suliffeqarfiup paasippagu nutaamik akuerisassanngorlugu Finanstilsynimut nassiutissallugu, tak. imm. 1, nr. 3.

### *Pineqaatissiinerit*

§ 7. § 3, imm. 1 aamma 2, § 5 kiisalu § 6, imm. 1 aamma 3-mi aalajangersakkanik unioqqutitsinerit Kalaallit Nunaanni pinerluttulerinermik inatsit malillugu akiliisitsinermik pineqaatissiisutaassapput.

*Imm. 2.* Pinerluttulerineq pillugu Kalaallit Nunaanni inatsimmi kapitali 5-imi maleruagassat malillugit ingerlatseqatigiiffinnut il.il. (inatsisilerinermi pisinnaatitaasut pisussaataasullu) pinerluuteqarnermi akisussaatinneqarsinnaapput.

### *Atuutilersitsineq*

§ 8. Nalunaarut ulloq 1. januar 2015-imi atulersinneqarpoq.

*Finanstilsyni, ulloq 12. december 2014*

ULRIK NØDGAARD

/ Sean Hove

### **Ilanngussaq 1**

**Aningaasaatinut piumasaqaatinut akunnequtitut ilasinermi qaammatinut pingasukkaanut ammut qummullu killiliussat naatsorsornerinut periuseq**

1)  $Qaammatit\ pingasukkaanut\ ammut\ killiliussaq = \frac{piumasaqaatit\ akunnequtitut\ piumasaqaatit \times (Q_n - 1)}{4}$

4

2)  $Qaammatit\ pingasukkaanut\ qummut\ killiussaq = \frac{piumasaqaatit\ akunnequtitut\ piumasaqaatit \times Q_n}{4}$

4

Q<sub>n</sub> tassaavoq qaammatit pingasukkaartut pineqartut kisitsisaat.

